

Beba kin Lomnak ko Raurök kin Bajet ko an CCO ilo Jeklaj Ibelakin Lal in

1115 Kōmelim Wāween Madmōd ko jet

Melele kin Kajitök

Oregon enaj bar tiljek kin an eddek kin joñan eo emaron bed wõt ilo burokraam eo an CCO ñan tōbare kakwon ko, kōjerbal bajet eo an ibelakin lal in elablok im ej kōlablok an wör kōlmenlokjen im bidodo wia. Jerbal tiljek in enaj koba kin wāween ko relablok ñan dābij an CCO ko kōmman jerbal jimwe ñan aikuj ko an armij im jukjukinbed ñan lablok an jejjet ilo an lale ejellok kalijeklok ilo ejmour im bar ajej kajur ikijen joortoklik eo an jukjukinbed.

Abnōnō im Melele ko Maanlok

Kallimur eo an Oregon ñan eddeklok ilo an lablok emōj kōmmane ñan kadik wonnen ko jen jemlok in ejmour ko remmonlok im jejjet lok an kolla, im jab kadiklok jibañ ko an armij ak kabin aer maron tōbrak. Juon mōttan eo aurök ej kolla ko rebidodolok im koba ilo jibañ eo ñan CCO ko – einwõt ad bar jelā ej bajet eo an ibelakin lal in.

lomwin bajet ko ibelakin lal in, ej an CCO eddo in kōlaajrak kejbarok jen jibañ in ejmour ko ikijen enbwin, mwil, im loñi. Ebar bidodo aer kolla wonnen jibañ ko jet rej kōkmanmanlok ejmour an armij im jukjukinbed, einwõt imōn jokwe im jibañ ko ikijen mōñā, ibben burokraam eo an Oregon ekāäl ikijen jibañ ko ikijen ejmour (health related services, HRS). Bajet ko ibelakin lal in an CCO ko ebar mōj aer kakoba jen tōrre ko moktalok juon kolla elab joñan ej koba ñan joñan jibañ ko emmon joñaer, jen 2% ñan 4.25% in bajet eo ibelakin lal in ear kolla ñan CCO ko. Wūn kein rar kōmman kōkmanmanlok ko elab joñaer ilo joñan aer lelok kejbarok; einwõt, ikōtaan 2011 im 2019, etale kin nañinmij in buromoj ear lablok jen ruo alen im an rinañinmij kōjerbal idin kōmadmōd ear wōtlok kin 14%. Im ilo an jet CCO kar tōbrak aer kōmmane madmōd ko ñan loloorjak joortoklik ko kin ejmour eo an jukjukinbed rej lale im loe jen ro uwaan jukjukinbed im doulul ko rej bed ilo jukjukinbed, eloñ CCO ko rej woñmaanlok in wör juon wõt jikin aer kōmman jemlok ej kejbarok kajur iloan CCO ilo ien ej itök ñan joortoklik eo an jukjukinbed.

Bajet eo an lal in an Oregon, HRS, im burokraam ko emmon joñan jibañ ko aer emōj aer aurök ñan kejbarok aer lablok ilo aer kōkmanmanlok ejmour. Bōtab, ej wör wõt abañ ko relab. Jibañ in ejmour ej juon wõt wonnen eo elabtata ilo bajet eo an state eo an Oregon. Ilo ejjā ien eo, armij in Oregon rej ioon jōrrāän eo ikijen imōn jokwe ibelakin state eo, idin jorrāän ko rej walok jen mejatoto im rar walok jen oktak in mejatoto, im an lab joñan kalijeklok ko rar walok jen kalikjelok in armij emōj aer bed ilo jikin jerbal ko jen jemaan.

Ilo an CCO bidodo aer kōjerbal im kōlablok wūn ko ñan kolla wonnen jibañ ko ikijen ejmour, eloñ CCO ko rej wõt kolla diklok jen 0.5% in bajet ko aer ibelakin lal in kin jibañ ko remaron tōbrak. Mennin ej bar walok jidik kin joñan jemlok ko kin wāween aer kōlaajrak im etale. Ebar wör oktak ko raurök ilo kolla wonnen ejmour in mwil, elabtata ilo an itök ñan aikuj ko rebin ibben ajiri im armij ro rej ioon kalijeklok ko ikijen ejmour. Ilo ejjā ien eo, elab jāän ear jab jejjet im jab mōkaj, im ear walok jen abnōnō ko etto aer walok ilo aer lelok kejbarok, kōlaajrak kejabrok, lelok kōmadmōd eo elab, im men ko rebin kin madmōdin jerbal.

Elabtata, jekdoñ lablok ko ilo aoleben joñan ejmour, ej walok wõt an lab kalijeklok ko ikijen ejmour.

lomwin yiō ko joñoul remootlok, emōj an Oregon jañiji bajet eo an ibelakin lal in im madmōdin karōke wonnen eo ilo eloñ wāween ko ilo an kajeoñ in lelok joñan kejbarok ko remmon im jemlok ko, ilo an bar kejbarok wonnen an lablok. Waanjoñok, einwõt mōttan kōmelim 1115 eo an aliktata, Oregon ear loe juon kōmelim ñan wāween eo ekāāl ñan jañiji joñan tōbrak ko an CCO roktak ekkar ñan lablok in joortoklik ilo jibañ ko ikijen ejmour ilo an ioone kōtōbar im bed ilo wonnen ko. Burokraam in kiō, etannin Nebar ekkar ñan Jerbal (Performance-Based Reward, PBR), enaj jejjet kūtien jino kin joñan ko an CCO ko ilo 2022. Ilo an Oregon kar jino loe lablok in jibañ ko ikijen ejmour kolla jen ibben CCO ko ilo 2020 kin kar PBR, elablok oktak ko rar aikuj in tōbare abañ ko armij in Oregon rej woñmaanlok in iooni.

Kōnaan, Kōtōbar ko, im Madmōd:

Kōnaan: Ewōr an CCO ko ilo Oregon maron oktak, jibañ in jāān, im jimwe in jermal ñan jukjukinbed ko aer im aikuj ñan lale aikuj ko ikijen taktō im armij ro ilo jikin eo an ro uwaan doulul eo, ilik jāān ilo jikin ko rej lelok ejmour im ainemmon ñan armij ro ilo jukjukinbed, im jolok kalijeklok ko ilo ejmour ilo Oregon.

Kōtōbar ko

- Oregon ej kōmmene kakwon ko rej lale kalijeklok ikijen ejmour ilo state eo, ilo aer bar kejbarok joñan lablok ilo burokraam eo an CCO
- CCO ko rej lale kolla ko ikijen kalijeklok ilo ejmour, bōbrae, kōlaajrak kejbarok, im joñan eo emmon – kinke men kein rej jooroklik ko ewōr kōlmenlokjen kaki im renaj jibañ kejbarok wonnen eo ej lablok
- Jukjukinbed elablok aer maron kenono kin jemlok ko ikijen wāween aer kolla im ej jelōt er, elabtata ikijen kalijeklok ko ikijen ejmour
- Armij, elabtata ro rej ioon kalijeklok ikijen ejmour, rej ebōk jebarok im jibañ ko raikuj ñan aer ejmour, ekoba jibañ ko ñan lale aikuj ko ikijen ejmour ilo jikin ko armij rej bed

Madmōd im Wāween ko Remaron ñan Tōbar Kōtōbar

Buñten ko ilal rej kalikar madmōd eo aikuj ñan tōbare kōtōbar ko ad. Madmōd eo enaj tōbrak kin wāween ko ewōr im ejellok kōmelim.

Buñten 1: Likūt bwe burokraam eo an CCO en tōbar joñan labtata eo emaron, ilo an loor madmōd ko an aoleben state eo ñan kejbarok wonnen ejmour.

Kōtōbar in wonnen ko relabtata an Oregon ej mōttan madmōd eo an aoleben state ekoba CCO ko, bebe ko an bijnej, im bebe in ejmour ko an kien, im rej kōtōbar in kōmmene kakwon ko an aoleben state ñan lale aikuj ko jet an state. Tōbare labtata eo remaron ilo jikin jermal eo an ejmour emaron letōk mennin jibañ ko raurōk im aikuj ñan kajimwe kalijeklok ko kin armij, kōjenolok ko ilo kajur, im kalijeklok ko ikijen ejmour. Ilo ien in, joñan wonnen eo elabtata, ilo an koba ibben buñten ko jet ilo madmōd in, enaj kōmman mennin jibañ ko ñan an CCO ko lale kalijeklok ikijen ejmour, bōbrae, im jibañ ko elab joñaer im jejelā renaj kadiklok wonnen ko.

Buñten 2: Kōjberbal wāween kōmman joñan wonnen ko rekāāl ñan karōke bajet ko ibelakin lal in rej rōjañ kin jejetin an jberbal im joortoklik eo ej lablok.

Ekkar ñan ta eo enaj “bōnōbōn” ilo wonnen ko ilo jeklaj, CCO ko ej aikuj wōt wōr aer kein jibañ ko ñan bedbed kin jibañ in ejmour eo emmon joñan, im ejab ñan madmōd ñan aikuj ko relab ñan armij ro aer im armij ro ilo jukjuginbed ko. Mennin elabtata an mool ilo ien ej itōk ñan lale aikuj ko ikijen ejmour ko an armij in jikin eo, im ekkā an dik aer kōjberbali kinke oktak aer bōnōbōn jen jibañ ko an ejmour. Kōtōbar eo an Oregon ej kōmmane bajet ko ibelakin lal in ilo jeklaj im ekoba an maron bidodo an CCO ko kōmman an aoleben armij ro aer bōk kejbarok eo rej aikuj ñan aer ejmour. Im bareinwōt, bajet ko rej aikuj wōr wūn ko ralikar ñan jibañ aikuj ko an armij ro aer, im lukkun bidodo ñan aer melele, im lablok an armij in jukjuginbed im state maron loe jemlok ko.

Buñten 3: Kōlablok jimwe in jberbal ko an CCO ñan lelok kejbarok im jibañ ko armij ro aer rej aikuj

Kōlablok an bidodo aer kōjberbal bajet im kōtōbar in joñan eo elabtata rar kōmman ñan jañiji jibañ ko ñan an emmonlok aer tōbare aikuj ko an rinañinmij im armij in jukjuginbed. Bōtab, an koba an bidodo lok im wonnen eo wōt ejab lolorjak ke CCO ko renaj kōjberbal an bidodo aer maron madmōd ñan lelok jibañ eo emmontata ñan armij ro aer im jukjuginbed ko. Oregon enaj woñmaanlok in lale an CCO ko jimwe aer jberbal ilo aer lelok jibañ ko aikuj ilo koontōreak im tōbare joñan ko ekkā im an armij maron bōk jibañ, ilo aer kōmman bwe CCO ko ren kōjberbal an bidodo aer jañij jibañ ko relablok im lale kalijeklok ko ikijen ejmour. Oregon enaj jberbal ñan kōlablok aer maron bōk jibañ ko raurōk, einwōt jibañ ko an jikin wia wūno, elabata ñan ro ewōr aer nañinmij in ejmour ikijen mwil. Oregon ej bar kajeoñ kōlablok wāween bōk melele, bwe abnōnō ko jen ro rej lelok jibañ, rikenono ro im ro uwaan jukjuginbed kin kakien eo an CCO ko kin bedbedin jibañ en maron ekkar aer lali.

Buñten 4: Kōlablok ainikien jukjuginbed ilo kein jberbal eo an CCO ñan lolorjak aurōk im aikuj ko an jukjuginbed im rej kōmman jemlok ko kin wāween aer kolla

Ñan an bajet eo an ibelakin lal in jberbal, jibañ ko rej aikuj jañij ñan ioon aikuj ko relabtata im bukōt abnōnō ko ilo kalijeklok in ejmour. Jberbal in ebañ dedelok ilo an ejellok kakajur ñan ainikien armij ro ilo jukjuginbed. Kein lale in CCO eo an Oregon ewōr kadede an loñ wāween ko ñan kakoba jukjuginbed, ekoba Koonjel in Rōjañ ko an Jukjuginbed im joñjoñin ejmour ko an jukjuginbed aikuj im bebe in kōkmanmanlok ejmour ilo jukjuginbed. Koontōreak ko rar oktak ilo raan ko maanlok rar aikuj an CCO ko kōmman bebe in kōkmanmanlok ejmour ilo jukjuginbed ibben aujbitol ko ilo jukjuginbed im public health im bareinwōt doulul ko ilo jukjuginbed im bwij ko, kōlablok an jimwe in jberbal an CCO ñan aurōk ko an aoleb ilo jukjuginbed. Im ñan kiō, kolla ko kin aikuj ko an armij in jikin, kalijeklok ilo ejmour im joortoklik ko an jukjuginbed rej woñmaanlok an lab aer ikijen CCO; im elañe CCO ko rej kolla im jete rej kolla ilo jikin kein ej wōt ñan kajojo CCO.

Kōmelim eo juon enaj kōtōbar in kōmmane wāween kein im kōmmane jekjekin bōnōbōn ko rekāāl ñan lolorjak ke CCO ko rej kōjberbal kajur ko ibben doon ibben jukjuginbed, elabtata ilo ien an itōk ñan ejellok kalijeklok ilo ejmour im mennin kabañbañ ko ilo jikin eo kin ejmour. Jberbal in enaj koba wāween ko rej kōlablok an armij maron bōke melele ko rekkar im emōj kōmelele jukjuginbed. Jukjuginbed ko remaron kōjberbal melele in ñan kōmman jemlok ko rej jibañ jukjuginbed ko aer im lelok rōjañ ñan kein jibañ ko aikuj ñan kōkmanmanlok ejmour eo an jukjuginbed.

Buñten 5: Kōkkāāl burokraam in bōnōbōn eo an Oregon bwe en ejellok kalijeklok ej aurōk eo kein kajuon ilo karōk madmōd ko.

Ilo tōrre in ewōr juon an Oregon burokraam in joñjoñ eo ekajur ñan an Douluul ko rej Kōlaajrak Kejbarok, ekoba ripoot ko ekkā kin joñjoñ joñan jibañ im an armij maron bōke, im juon burokraam in bōnōbōn elab tōbrak ej lale CCO ko ñan kōkmanmanlok wāween aer lelok jejjetin madmōd ko, iminene ko rinañinmij rej iooni, im jemlok ko. Ilo kōmelim eo ekāāl, Oregon ej kajeoñ in kōmmāne tōbrak in ilo an kakoba joñjoñ ko rej lale jekjek ko relablok im rej jibañ an wōr kalijeklok ikijen ejmour.

Ñan woñmaanlok in loloorjak ko ro uwaan Medicaid remaron deloñ im bōk kejbarok eo emmon joñan, ilo aer kaurōk kumi in armij ro rej ioon kalijeklok ko an raan kein im jen tōrre ko moktalok, Oregon ej lemaanlok an kōmmāne burokraam in bōnōbōn eo an ilo tōrre in ñan ruo jekjekin jibañ ko. Jekjekin kein ruo emōj kōmmāni ñan ajej men ko rej aikuj im kōmadmōd ko rej kōmmāni ilo kein jermal eo ikijen ejellok kalijeklok ikijen ejmour.

Juon mōttan burokraam eo ewōr wūn enaj loor joñjoñ ko ilo madmōdin ejmour, jemlok ko, im kōjermal ko ekkā aer jermal ilo aoleben aelon eo (“bōnōbōn kin an kōmman im ajej jermal”). Bōnōbōn kin an kōmman im ajej jermal enaj lale joñjoñ ko kin joñan jermal im an armij maron bōke elablok aer einwōt mokta, ekoba joñjoñ ko aikuj jen CMS, im woñmaanlok kin burokraam in joñan wūn eo an CCO ilo tōrre in. Mōttan eo kein karuo ilo burokraam in wūn eo enaj koba joñjoñ eo ediklok ej lale mennin aikuj ko im rej jibañ an wōr kalijeklok ikijen ejmour (“bōnōbōn ko kin mennin aikuj”). Bōnōbōn kein renaj lale mennin aikuj ko ñan kajimwe likjab ko rar walok jen jemaan im raan kein.

Buñten 6: Loloorjak ke kōtōbar eo an Oregon ñan jibañ ko ekkar ñan kein kamool ej kōlablok an armij maron bōke kejbarok eo ekāāl im lab joñan, ekoba aikuj ko an armij ro ilo jikin ikijen ejmour.

Laajrak eo emōj kaurōk an Oregon ear jibañ kajinet joortoklik ko ilo jibañ in ejmour ko emōj kamool jen 1990 ko im ej woñmaanlok in juon mōttan eo aurōk ilo kein jermal in lale eo an Oregon. Oregon enaj woñmaanlok in lale wāween ko ñan kōlablok laajrak eo emōj kaurōk ñan kōlablok joortoklik ko kin bōbrae im aikuj ko ikijen ejmour eo an armij ro ilo jikin eo. Oregon ej bar lomnak kin jibañ ko jet elab joñaer roktak, bar etannin “im jab bōk jibañ,” emaron emmonlok an kobalok ñan burokraam eo an Oregon ñan lelok bwe en lablok an bidodo an CCO ko tōbare aikuj im kōnaan ko an armij ro aer. Jermal in enaj kōjermal muri in kein jermal ko an public health, joortoklik ko, im kapeel ikijen bōbrae in kejbarok ñan kōjermal joñan eo elabtata ñan kōkmanmanlok ejmour ko an armij ro ilo jikin eo.

Kakien ko im Wāween ko:

Ijin lal ej juon laajrakin kakien im wāween ko remaron kōjermal. Eloñ wāween ko iomwin bajet eo an lal in rej bar jibañ wāween kōmelim ko ilo kejbarok eo ej lale an ejellok kalijeklok im lale joortoklik ko ikijen ejellok kalijeklok.

“Maron bōke jibañ in bōbrae ejmour ej aurōk eo ñan kejbarok ejmour im ainemmon”

Kein Jermal kin Covid 19. an Jukjukinbed eo an African American ñan Madmōd

“...baamle ko rejmour rej aikuj wōr jibañ ko relablok ñan burokraam in [bōbrae] kinke jejelā ke aurōk jikin jermal eo an ejmour... bōtab ta eo jemaron kōmmāne bwe armij renjab aikuj etal ñan jikin taktō? Ta jet burokraam in bōbrae ko remaron emmon?”

Melele jen jukjukinbed kin Bebe in Wāween Kōmadmōd eo an OHA

Kakobaba elukkun aurōk bōtab ejab jermal aoleb ien einwōt aer kar kōnaan; abañ kōmman muri; bōke jibañ ko ej juon abañ eo elab.

Melele eo jen ien roñjak ko an CCO 2.0

Bajet ko an lal in rebidodo lok kōjerbal im remaron bed wōt im rej kejbarok an armij ro uwaan doulul eo maron ebōk jibañ im lale kalijeklok ko ilo ejmour.

Ñan lukkun ukōte an CCO eo lelok kejbarok eo elabtata joñan lomwin joñan lablok eo remaron kejbaroke, Oregon aikuj juon bajet an lal in im ej madmōd im ej bar reimaanlok ñan jeklaj. Oregon ej kōtōbar in kōmmane bajet eo jinoin emmon joñan ilo an kōjerbal eloñ yiō in melele ko jen tōrre ko mokta im karōke kōtōbar eo ñan lablok eo ilo jeklaj ilo burokraam eo an CCO. Oregon enaj bar kabok an bidodo an kōjerbal wāween ko rekāāl ñan etale kolla ko ear wiaiki ikijen ejmour ilo raan ko maantak iloien aer kōmmane lukkun joñan ko an CCO ko. Kōtōbar eo enaj emmonlok an kobalok ilo wūn ko ñan kejbarok eo elab joñan im ejejjet wonnen. Alikkata, Oregon enaj kabok kōmelim ñan kōjerbal joñan ko rekāāl rej tōbare jibañ ko rejab ikijen ejmour, einwōt jibañ ikijen imōn jokwe, ñan ro uwaan doulul eo rej bed ilo oktak ko raurōk. Oregon enaj kakoba madmōd kein ibben wāween kōmadmōd ko ñan kejbarok an armij maron bōke im joñan kejbarok eo emmon. State eo enaj kōjerbal jāān ko an ilo burokraam eo an bōnōbōn im men ko ilo laajrak eo emōj kaurōk, im bareinwōt lukkun lale ekoba bōk melele ko ewōr tōkjeir jen armij im ro rej lelok jibañ.

Ñan rainnin, ejañin aikuj an Oregon kōmelim kakien in karōk wonnen ko an federal ñan aer maron tōbare kōtōbar ko an. lomwin kōkkāāl eo kiō, Oregon ej katmān in bukōt wāween eo ebidodo einwōt ilo an etale kolla ko wonnen ejmour, bar juon alen ilo an jab kajitōk jejjetin kōmelim ko kin kakien eo an federal.

Ta melelein mennin ñan ro uwaan OHP?

Ñan ro uwaan OHP, melelein mennin ej lablok an armij maron bōk jibañ ko rej lale aikuj ko aer ikijen ejmour. Ñan ro uwaan doulul eo im elablok aikuj in ejmour ko aer, melelein mennin ej emmonlok kōlaajrakin kejbarok, ekoba aer maron bōk jibañ ko relablok ilo ien aer oktak ñan im jen jikin kalbuj, einwōt imōn kalbuj ko an jidik ien im aitōk ien.

Janij kajur ñan jukjukinbed ñan lelok joortoklik ko ñan jukjukinbed

Ilo ien an CCO ko bidodo aer kōjerbal jāān ko ilo bajet ko aer ñan lelok bwe en lablok aer kolla ikijen aikuj ko ikijen ejmour kin HRS, enaj dik wōt aer wia jen aer bōk jibañ in taktō. Im bareinwōt, melele mool eo ke kalijeklok ko ilo ejmour rej walok wōt ej kwalok kin aikuj eo kin an lablok joortoklik ko an jukjukinbed im ibben doon ko an jukjukinbed ikijen ejmour, bōtab enaj jañij kajur ikōtaan CCO ko im jukjukinbed. Jerbal in enaj aikuj ejab wōt kōmmane juon kein jermal eo ekajurlok an jukjukinbed kōmman lomnak im kajinet – enaj aikuj aer kōmman lomnak ko rej kaju itōk *jen* jukjukinbed im ibben doon ñan kōmmane juon kein jermal kāāl kaju*ibben* jukjukinbed eo. Kim ej tiljek in jermal ibben ro elabtata aer jelōt jen abañ ko ñan kōmmane abnōnō kein, ekoba:

- Kaju jermal ibben ritel ro an Doulul eo ej Lale Kalijeklok in Ejmour an Oregon ñan bar kōmmane juon kein jermal ej jibañ an wōr jimwe in jermal im ej lukkun kalikar aer kōjerbal kajur ikōtaan CCO ko im jukjukinbed, kōmman jen lomnak ko emōj lemaanlok ilo kakien (Bill in Kien 3353).

- Lale jejjetin manit im madmōd ko an jukjukinbed im jibañ ko an ejmour rej lale kalijeklok ko ikijen ejmour, einwōt jibañ ko ikijen imōn jokwe im joortoklik ko ñan kōlablok an armij maron bōk kejbarok eo ekkar kin manit im kajin.

Ta melelein mennin ñan ro uwaan OHP?

Ñan ro uwaan OHP, ekka an armij ro ioon kalijeklok ko ilo ejmour, melelein mennin ej an lablok ainkien ilo jemlok ko ikijen ejmour im rej jelōt er. Ñan jukjukinbed ko an OHP, melelein mennin ej rej make kōnaan im kolla ko jen jukjukinbed rej kile, kakoba, im kajimwe kalijeklok ko rar walok jen jemaan im raan kein.

“Im wōn eo emmon an maron ba ta ko aikuj ilo jukjukinbed eo im ejab jukjukinbed eo?”

“Armij ro rej kadede kōmmane jermal eo im etto aer kōmmane jermal in... Ejab aikuj wōr juon bebe kāāl kin wāween kōmadmōd. Ij lomnak ke ej aikuj bokitok aoleb armij ro emōj kadede an wōr aer bebe ko maanlok im ba, “Eokwe, ewi wāween amim maron kakajur kom aoleb ro rej kadede kōmmane jermal in?” Ij lomnak jermal eo OHA emaron kōmmane einwōt juon jikin ej lelok rōjañ kin doulul ko rej kadede kōmmane jermal in.”

Melele jen jukjukinbed kin Bebe kin Wāween Kōmadmōd an OHA

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōṅaan. Kebaak Burokraam in Kebaak Kumi ko Rej Jermal Ibben Doon ilo Jukjukinbed ilo community.outreach@dhsosha.state.or.us ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.